

*IREO ZAVA-DEHIBE
FOTOTRA TOKONY HO
FANTATRAO MOMBA
AN'ANDRIAMANITRA*

Lars B. Dunberg

ServeNow 

***Ireo zava-dehibe fototra tokony ho fantatrao
momba an'andriamanitra***

***The Basic Things You Need to Know About God
(Malagasy)***

Lars B. Dunberg

Copyright © 2014 by *ServeNow*.

Used by Permission. All rights reserved.

ISBN 978-1-964796-90-1

Scripture quotations translated from The Holy Bible, International Version® NIV®

Copyright ©1973, 1978, 1984, 2011 by Biblica, Inc.TM

Used by permission. All rights reserved worldwide.

Published by *ServeNow*

5142 N Academy Blvd #153

Colorado Springs, CO 80918, USA

Ireo zava-dehibe fototra tokony ho fantatrao momba an'andriamanitra

Fampidirana

Ny finoana kristiana dia mifototra amin'ny finoana fa misy Andriamanitra iray ihany, izay mpahary ny zava-drehetra. Fony Izy naneho ny tenany tamintsika tamin'ny famoronana tamin'ny alalan'ny fitondrantenantsika, ny feon'ny fieritreretana sy ny toetra ara-pivavahana dia Izy no tena hita ao amin'ny pejiny ny Baiboly ary farany ao amin'i Jesosy Kristy.

Ahoana no hanazavantsika Azy? Ohatra, ny famantaranandro dia be pitsony loatra ka tsy tongatonga ho azy, be pitsony loatra toy izany koa izao rehetra izao ka tsy tongatonga ho azy. Tahaka ny famantaranandro iray izay mila mpanamboatra, dia mila mpamorona ihany koa izao tontolo izao. Io Mpamorona io dia Ilay Andriamanitra izay hitantsika ao amin'ny Baiboly. Tsy fanorenana filozofika Izy, fa Andriamanitra manokana, velona ary mavitrika.

Iza ary Andriamanitra?

Andriamanitra dia tena misy, Izy no nahary antsika, tia antsika Izy, misahirana ny amitsika Izy, maniry hanome izay rehetra ilaintsika Izy, ary nanome ny tsara indrindra teo Aminy, dia ny zanany hamonjy antsika.

Andriamanitra dia tokana izay efa nisy hatrizay hatrizay ary mbola hisy foana ho mandrakizay. Tsy mba noforonina mihitsy Andriamanitra. Be fitiavana tanteraka, marina tanteraka, masina tanteraka,

mpamindra fo tanteraka, ary maniry ny tsara indrindra ho antsika izy.

Aiza moa Andriamanitra?

Andriamanitra dia tsy azo fehezina ao anatin'izao rehetra izao. *Tena honina eto an-tany tokoa ve Andriamanitra? Nahoanamoana, fa na ny lanitra avo indrindra aza tsy antonina Anao. Koa mainka fa ity tempoly naoriko ity!* (I Mpanjaka 8:27). Manerana ny lanitra sy ny tany Andriamanitra. *Misy afaka miafina amiko va ao amin'ny fierena? Moa tsy manerana ny lanitra sy ny tany va Aho? Hoy ny Tompo* (Jeremia 23:24).

Matetika isika no mihevitra an'Andriamanitra ho mitoetra any an-danitra, izany hoe tsy hita ao anatin'ny tontolo hita maso. Ny fanontaniana hoe “Aiza moa Andriamanitra?” dia tsy voavalin'ny fahalalana hananantsika.

Manao ahoana ny endrik'Andriamanitra?

Ny ankamaroan'ny mpanao sary dia mihevitra an'Andriamanitra ho toy ny lehilahy. Na dia maneho aza ny Baiboly fa lehilahy no ilazalazany an'Andriamanitra, tsy milaza mihitsy izany hoe mitovy amin'ny olombelona Andriamanitra. Mba hamaritana an'Andriamanitra dia matetika isika no mampiasa teny toy ny “tahaka” na “mitovy”. Hitantsika fa samy noforonina araka ny endrik'Andriamanitra avokoa ny lahy sy ny vavy. *Noho izany dia namorona ny olombelona araka ny endriny Andriamanitra. Tahaka ny endrik'Andriamanitra no namoronany azy; lahy sy vavy no namoronany azy* (Genesisy 1:27).

Misy filazalazana momba an'Andriamanitra izay mamaritra fa manana elatra sy misy volom-borona Izy, na dia tsy misy milaza aza fa toy ny akoho lehibe

Andriamanitra. Raha ny marina, ny Baiboly dia milaza fa Andriamanitra dia fanahy, tsy misy endrika, izany hoe, tsy toy ny endrika fahita mahazatra.

Na dia ara-panahy aza ny toetran'Andriamanitra, dia afaka maka endrika ara-batana Izy mba ahafahany mifandray amin'ny olombelona. Milaza amintsika ny Baiboly fa naka ny endrik'olombelona Andriamanitra, tonga teto an-tany dia Jesosy avy any Nazareta. Milaza ny Baiboly fa ny mpino izay maty dia ho any an-danitra *fa ho hitantsika Izy araka izay tena endriny tokoa* (I Jaona 3:2). Tsy misy fomba ahafantarantsika ny tena endrik'Andriamanitra any an-danitra mandra-pahatongantsika any hihaona Aminy.

Manao ahoana Andriamanitra?

Andriamanitra no Mpamorona

Andriamanitra amin'ny maha-mpahary Azy dia hita ao amin'ny Baiboly manontolo, manomboka amin'ny fehezanteny voalohany indrindra. Ny Genesisy 1:1 manao hoe *Tamin'ny fiandohana Andriamanitra nahary ny lanitra sy ny tany*. Niteny Andriamanitra dia nisy ny zava-rehetra. Nantsoin'Andriamanitra ho roa ny zava-drehetra dia ny ara-materialy sy ny ara-panahy, ho lasa zava-nisy niainga avy tamin'ny tsy nisy. Hoy ny mpaminany Isaia: *Jereo ny lanitra. Iza no namorona ny kintana rehetra? Mamoaka azy toy ny tafi-ka iray Izy; isan-tokony avy, ary miantsony azy rehetra amin'ny anarany avy. Noho ny fahalehibiazan'ny heriny sy ny tanjany tsymanam-paharoa, tsy misy diso ireny na dia iray aza* (Isaia 40:26).

Toy izany koa no hilazan'ny Filazantsaran'i Jaona azy. *Izy no nahariana ny zavatra rehetra; raha tsy Izy dia tsy nisy nahariana izao zavatra ary izao* (Jaona 1:3).

Ary ao amin'ny bokin'ny Kolosiana dia izao no voalaza: *Fa tamin'ny alalany no naharian'Andriamanitra ny zavatra rehetra any an-danitra sy etỳ an-tany. Izy no nanao ny zavatra hitantsika sy tsy hitantsika, toy ny seza fandrahana, fanjakana, mpanapaka, ary fahefana any amin'ny tontolo tsy hita maso. Tamin'ny alalany ary ho Azy no nahariana ny zavatra rehetra* (Kolosiana 1:16).

Mampiasa ny teny hoe “mamorona” koa ny Baiboly rehefa nampiasa zavatra efa noforonina teo aloha Andriamanitra mba hamoronana zava-baovao, toy ny namoronana ny lehilahy sy ny vehivavy ao amin'ny boky voalohany amin'ny Baiboly.

Andriamanitra no nahary ny zavatra rehetra. Misy fahasamihafana eo amin'Andriamanitra sy ny zavaboary. Andriamanitra no nahary; isika no zavaboary. Noho izany dia lavintsika ny fiheverana fa Andriamanitra dia ao amin'ny zavatra rehetra nohariana manodidina antsika ary ekentsika koa fa amin'ny maha zavaboariny antsika dia miankina tanteraka amin'Andriamanitra Izay manome aina ny zavatra rehetra isika.

Amin'ny maha-mpahary an'Andriamanitra dia miantoka ny fahatsaran'ny zavaboary rehetra Izy. Ao amin'ny Genesisy 1 dia imbetsaka Andriamanitra no milaza momba ny famoronana, *Ary hitan'Andriamanitra fa tsara izany*. Tsy midika izany fa tonga lafatra ny zavaboary ankehitriny. Izaio tontolo hitantsika izao dia tsy tontolo araka ny nokasan'Andriamanitra azy, satria tonga teo amin'izao tontolo izao ny ota.

Rehefa tsapatsika ny fahatsarana eo amin'ny zavaboary, dia midika izany fa tokony hanaja ny zava-drehetra sy ny olona rehetra isika amin'ny maha-zavaboarin'Andriamanitra azy. Rehefa mino isika fa noforonin'Andriamanitra ho tsara avokoa

ny zava-drehetra, dia midika koa izany fa tsy tompon'andraikitra amin'ny ratsy Andriamanitra.

Andriamanitra amin'ny maha-mpahary azy dia manohy ny asany amin'ny fanohanana sy fanavaozana izao tontolo izao. Ao amin'ny Salamo 36:6 isika dia mamaky ny amin'ny fikarakaran' Andriamanitra mitovy *ny olombelona sy ny biby* ary ao amin'ny Matio 6:26-27 i Jesosy dia miresaka momba ny fomba hitsimbinan'Andriamanitra ny zavatra izay noforoniny. Nanoratra momba ny fanavaozana ho avy ny zavaboary I Paoly ao amin'ny Romana 8:21.

Ny zavatra rehetra ataon'ny tanantsika dia miaina amin'ny zavatra efa misy na naorina araka izay efa noeritreretina tany aloha. Manana fahefana hampisy zavatra Andriamanitra, tsy ny habakabaka sy ny endriky ny fiainana ihany, fa ny vahaolana amin'ny zava-manahirana ankehitriny koa. Tiany ho takatsika sy hianteherantsika ny heriny.

Lehibe ny Tompontsika sady be hery; tsy misy fetra ny fahalalany (Salamo 147:5) ... *Avy aiza ny famonjena ahy? Ny famonjena ahy dia avy amin'i Jehovah, Mpanao ny lanitra sy ny tany* (Salamo 121:1-2).

Andriamanitra dia azontsika fantarina

Andriamanitra, amin'ny lafiny iray dia izay nahary izao rehetra izao amin'ny halehibeny sy amin'ny antsipiriany rehetra, etsyankilany, azontsika fantarina koa Izy. Miresaka momba ny tenany amitsika Izy, nefa mihoatra noho izany aza. Mandray antsika hifandray tsara aminy Izy mba hahafahantsika mahafantatra Azy. Tsy vitan'ny hoe mahafantatra ny momba Azy fotsiny isika, fa mahafantatra azy akaiky kokoa.

Aoka ny hendry tsy hirehareha amin'ny fahendreny na ny mahery tsy hirehareha amin'ny heriny, na ny manankarena hirehareha amin'ny haren'ny, fa izay mirehareha, dia aoka izany no hireharehany, dia ny fahendreny sy ny fahalahany Ahy, fa Izaho no Jehovah, Izay manao famindram-po sy fitsarana marina ary fahamarinana ambonin'ny tany, fa izany no sitrako, hoy ny Tompo (Jeremia 9:23-24).

Andriamanitra dia azontsika hatonina

Manasa antsika hiresaka aminy Andriamanitra sy hampiditra Azy amin'izay mampanahy antsika. Tsy voatery mitambatra aloha isika. Na koa hoe tsy maintsy mahalala fomba, marina ara-teolojia, na masina koa isika. Efa toetrany mihitsy ny tia sy manaiiky rehefa manatona Azy isika.

Jehovah dia eo akaikin'izay rehetra miantso Azy, dia izay rehetra miantso Azy amin'ny fahamarinana (Salamo 145:18).

Andriamanitra dia fanahy

Rehefa tonga olombelona Andriamanitra ary afaka mifandray amitsika, dia fanahy ihany koa Izy. Midika izany fa Izy dia tsy noforonina tamin'ny zavatra ary tsy manana endrika ara-batana. Namorona ny zavaboary azo tsapain-tanana Andriamanitra fa Izy kosa dia tsy noforonina tamin'ny zavatra ara-nofo. Hoy Jesosy ao amin'ny Jaona 4:24 fa *Andriamanitra dia Fanahy* ary hitantsika koa amin'ny 1 Timoty 6:16 *tsy nisy nahita na afaka mahita* Azy. Na dia niseho tamin'i Mosesy sy niresaka taminy aza Izy, dia tsy nahita velively an'Andriamanitra i Mosesy.

Rehefa niresaka voalohany indrindra tamin'i Mosesy Andriamanitra, dia tamin'ny alalan'ny roimemy mirehitra izany. Taona maromaro tatỳ aoriana, dia hoy Mosesy tamin'Andriamanitra, *Asehoy ahy*

ankehitrimy ny voninahitrao. Ary hoy ny Tompo: Hataoko mandalo eo anatrehanao ny fahatsarako rehetra ... Nefa ... tsy mahazo mahita ny tavako ianao, fa tsy hisy hahita Ahy ka ho velona ... hahita ny lamosiko ianao; fa ny tavaoko tsy tokony ho hita (Eksodasy 33:18-20 sy 23).

Toa mifanohitra izany rehefa miteny Andriamanitra fa tsy misy olona afaka mahita Ahy ary avy eo indray hahita ny vohoko ianao. Na dia fanahy aza Andriamanitra ka tsy misy mahita Azy, dia niseho tamin'ny olona tamin'ny endriny samihafa Andriamanitra indraindray. Fisehoan'Andriamanitra mi-helina ireny. Rehefa miresaka momba ny tongotra sy ny tanan'Andriamanitra ny Baiboly, dia fiezahanana hanehoana ny fahamarinana momba an'Andriamanitra amin'ny fomban'olombelona izany mba ho azontsika olombelona.

Andriamanitra dia mahery indrindra

Tsy manam-petra Andriamanitra, ka manana hery tsy manam-petra Izy. Omeny fahefana voafetra ny olona, nefa tsy mampihena ny azy mihitsy izany. Tsy mandany hery tsy maintsy fenoina Izy. Milaza ny Baiboly fa nitsahatra tamin'ny Andro fahafito Andriamanitra. Izany dia mba hanomezana ohatra ho antsika sy ny filantsika fialan-tsasatra, fa tsy satria reraka Izy.

Andriamanitra dia mahery indrindra. Manana fahefana hanatanteraka ny fampanantenany Izy. Manana fahefana amin'ny zavaboary Andriamanitra; ohatra, ny fahagagana nataony tamin'ny loza tany Egypta sy Jesosy nandeha teny ambony rano.

Miharihary koa ny herin'Andriamanitra eo amin'ny fifehezany ny fizotry ny tantara, indrindra eo amin'ny drafitry ny famonjeny sy ny heriny amin'ny

fanovana fainana. Rehefa nanontany ny mpianatra hoe iza no hovonjena dia hoy ny navalin'i Jesosy ao amin'ny Matio 19:26, *Raha ny fijerin'olombelona dia tsy aza atao izany. Fa hain'Andriamanitra atao ny zava-dreketra.* Andriamanitra dia mahery indrindra amin'ny fanaovana ny sitrapony. Ny zavatra tiany hatao dia vitainy, satria manana ny fahaizany manao izany Izy. Fa Andriamanitra dia tsy manao zavatra mifanohitra amin'ny lojika na mifanohitra amin'ny toetrany. Miasa kosa Izy mba hahatrarany ireo tanjony. Ny herin' Andriamanitra tsy manam-petra dia mifandray amin'ny fahatokiany. Mifandray amin'Andriamanitra izay tsy mampanantena famonjena ho antsika fotsiny ihany isika fa manana ny fahafahana hanatanteraka izany koa Izy. *Mahatoky ilay miantso anareo ary izy no hanao izany* (I Tesaloniana 5:24).

Andriamanitra dia manatrika na aiza na aiza

Tsy misy fetra Andriamanitra. Noho izany dia eny rehetra eny Izy. Izany fahamarinana izany dia ampi-anarina ao anatin'ny Baiboly. *Indro Izaho momba anao mandrakariva dia miverimberina in-22* ao amin'ny Testamenta Taloha sy Vaovao. Nanome toky toy izany koa I Jesosy tamin'ny mpianany rehefa naniraka azy ireo Izy mba hitondra ny hafany amin'izao tontolo izao.

Tsy voafetran'ny faritra iray Izy. Izy no namorona izao rehetra izao fa tsy voafaritry na voatondro amin'ny toerana iray no misy Azy. Paoly dia nanoratra ao amin'ny Asan'ny Apostoly 17:24, *Ilay Andriamanitra nanao izao tontolo izao sy izay rehetra ao aminy dia ny Tompon'ny lanitra sy ny tany ary tsy mipetraka ao amin'ny tempoly namboarin'ny tanana.*

Tsy misy toerana tsy ahitana Azy ihany koa anefa. Hoy ny Salamo 139:7-12 manazava izany, *Tsy*

afaka mandositra na oviana na oviana ny Fanahinao aho! Tsy afaka miala eo anatrehanao velively aho! Raha miakatra any an-danitra aho, dia any Ianao; raha midina any amin'ny fasana aho, any Ianao. Raha mitaingina ny elatry ny maraina aho, raha mitoetra any amin'ny ranomasina lavitra indrindra aho, na dia any aza dia hitarika ahy ny tananao ary ny herinao no hanohana ahy.

Afaka nangataka ny maizina mba hanafina ahy ary ny mazava manodidina ahy mba ho tonga alina aho, fa na dia ao anatin'ny maizina aza dia tsy azoko atao ny miafina aminao. Aminao dia mamirapiratra toy ny andro ny alina. Aminao dia sahala avokoa ny maizina sy ny mazava.

Ao amin'ny Jeremia 23:23-24 no ilazan'Andriamanitra, Andriamanitra eo akaiky ihany ve aho, hoy Jehovah, fa tsy Andriamanitra any lavitra any koa? Misy miery ao amin'ny mangingina va ka tsy hitako? Hoy Jehovah. Moa tsy mameno ny lanitra sy ny tany va Aho? hoy Jehovah.

Andriamanitra dia eo ary miasa eo amin'ny zavaboary sy ny tantara ary miavaka tsara sy tsy miankina amin'ny zavaboary sy ny olombelona Izy. Ny zava-dehibe tokony ho marihina dia ny Baiboly dia mandà ny fiheverana fa Andriamanitra dia ao amin'ny zava-drehetra ary ny zava-drehetra dia Andriamanitra. Na dia eo amin'ny toerana rehetra aza Andriamanitra, dia tsy amin'ny zava-drehetra Izy.

Andriamanitra dia mahalala ny zava-drehetra

Manana fahalalana tonga lafatra Andriamanitra ka tsy mila mianatra. Tsy nianatra na oviana na oviana Andriamanitra ary tsy afaka mianatra ihany koa. Mahalala ny zava-drehetra Andriamanitra, tsy misy fetra ny fahalalany. Tsy misy azo afenina amin'Andriamanitra.

Izany dia mifandray amin'ny fahafahany mitoetra amin'ny toerana rehetra izay faritana ao amin'ny Salamo 139:1-4 manao hoe, *Jehovah ô, efa nandinika ny foka Hianao ka mahalala ny momba ahy rehetra. Fantatrao hony amin'ny fipetrako sy ny fitsanganako. Fantatrao ny eritreritra na dia any lavitra aza aho. Hitanao aho na mandeha na miala sasatra ao an-trano. Fantatrao izay rehetra ataoko. Fantatrao izay holazaiko na dia mbola tsy miteny aza aho, Tompo ô.*

Misy amin'ny alalany ihany Andriamanitra

Rehefa nanontany i Mosesy hoe iza no niresahany tao anatin'ny roimemy mirehitra, dia hoy Andriamanitra: "IZAHO NO ILAY IZY." Tsy misy fiandohana na fiafarana Andriamanitra. Misy fotsiny Izy. Tsy misy zavatra hafa eto amin'izao tontolo rehetra izao ka vokatra ny tenany ihany. Andriamanitra irery ihany izany. Raha ny marina, raha nisy zavatra hafa namorona Azy, dia izany zavatra izany no Andriamanitra. Hevitra sarotra takarina ho an'ny saintsika izany satria ny zavatra rehetra ho hitantsika eo amin'ny fiainantsika dia avy amin'ny zavatra hafa ankoatra ny tenany avokoa. Hoy ny Baiboly, *tamin'ny voalohany, Andriamanitra. Efa teo Izy.*

Ampy ho an'ny tenany Andriamanitra

Milaza ny Baiboly fa manana fiainana ao aminy Andriamanitra. Ny Ray dia manana fiainana ho Azy, ary nomeny izany hery mahavelona izany koa ny Zanany (Jatona 5:26). Fanomezana avy amin'Andriamanitra ny zava-manana aina rehetra eo amin'izao rehetra izao. Tsy manana filana Izy ary tsy misy fomba azony hivoarana. Amin'Andriamanitra dia tsy misy zavatra hafa ilainy. Tsy mila ny fanampiantsika na amin'ny inona

na amin'ny inona Izy, fa noho ny fahasoavany sy ny fitiavany dia namela antsika ho isan'ireo fampanandrosoana ny drafiny eto an-tany sy ho fitahiana ho an'ny hafa Izy. Isika no miova fa tsy Andriamanitra velively.

Andriamanitra dia tsy miova

Tsy toy ny olombelona izay miova matetika avy amin'ny toerana iray ho amin'ny toerana hafa, Andriamanitra dia tsy miova. Malakia dia mirakitra an-tsoratra hoe, *Izaho no Jehovah, ka tsy miova* Aho (Malakia 3:6). Ny bokin'ny Hebreo dia miresaka momba ny toetran'i Jesosy izay tsy miova: *Jesosy Kristy no tsymiova omaly sy anio ary mandrakizay*. Tsy mila manontany tena isika hoe ahoana indray ny ho "toe-pon'Andriamanitra androany. Amin'ny fifandraisantsika amin'Andriamanitra dia isika ihany no miova! Raha ratsy ny fifandraisantsika amin'Andriamanitra dia fahadisoantsika manokana izany. Raha miezaka mianatra izay andrasan'Andriamanitra amintsika isika ary mankatò ny sitrapony, dia fantatsika fa manana fifandraisana tsara Aminy isika.

Andriamanitra dia mandrakizay

Mitoetra ao amin'ny mandrakizay Andriamanitra. Efa nisy Izy ary mbola hisy mandrakizay. Ny fotoana dia noforoniny. Izany no mahatonga an'Andriamanitra mahita ny farany na dia vao aty am-piandohana aza ary antony tsy mahataitra Azy na inona na inona miseho izany. Raha tsy mandrakizay Izy, dia tsy misy vidiny ny teny fikasan'Andriamanitra momba ny fiainana mandrakizay ho an'izay manara-dia an'i Jesosy.

Namorona ny fotoana ho an'ny zavatra noforoniny Izy, fa tsy voafetran'ny fotoana kosa.

Andriamanitra dia fiainana, izany hoe Izy no loharan'aina. Na dia samy manana ny fianany ao amin'Andriamitra aza ny zava-manan'aina hafa rehetra, dia tsy avy amin'ny loharano ivelany akory no anazoany ny ainy.

Andriamanitra dia Andriamanitra velona

Mampiaivaka Azy ny fiainana satria IZY Izy. Mifanohitra amin'ny andriamani-kafa mihitsy Izy, velona Izy. Rehefa miteny Andriamanitra fa IZY, dia midika izany fa avy amin'ny mandrakizay ka ho amin'ny mandrakizay Izy.

Ny teny voalohany ao amin'ny Baiboly dia *Tamin'ny voalohany Andriamanitra...* Talohan'ny nisan'ny zavatra hafa rehetra dia efa nisy Andriamanitra. Hoy ny Salamo 90:2, *Talohan'ny nisan'ny tendrombohitra na ny namoronanao ny tany sy izao tontolo izao, dia Andriamanitra Ianao hatrizay hatrizay ka ho mandrakizay.*

Andriamanitra dia tonga nofo

Olona Andriamanitra, fa tsy hery tsy amin'ny maha olombelona fotsiny. Izy dia olona iray, manana fahatsiarovan-tena sy sitrapo, mahatsapa, misafidy ary mifandray amin'ny zava-manan'aina hafa. Miteny Izy ary azo iresahana. Zava-dehibe ny mitadidy fa Andriamanitra dia tsy zavatra ampiasaina amin'ny fikasantsika manokana. Izy no Andriamanitra, tokana, ilay IZY.

Andriamanitra dia mandrakizay

Nanoratra I Paoly ao amin'ny 1 Timoty 6:15-16: *Andriamanitra, ilay voatahy sy hany Mpanapaka, Mpanjakan'ny mpanjaka sy Tompon'ny tompo izay hany tsy mety maty ary mitoetra ao amin'ny mazava tsy azo hatonina, izay tsy*

hitan'ny olona sady tsy hainy jerena. Ho Azy anie ny voninahitra sy ny hery mandrakizay. Amena.

Andriamanitra ilay tokana sy hany Andriamanitra

Tamin'ny fiandohan'ny didy folo izay nomen'Andriamanitra ny Isiraely tamin'ny alalan'i Mosesy, hoy Andriamanitra: *Izaho no Tompo Andriamanitrareo, Izay nitondra anareo nivoaka avy tany Egipta, avy tany amin'ny tany fanandevozana. Aza manana andriamani-kafa, fa Izaho ihany* (Eksodosy 20:1-3). Asehon'Andriamanitra mazava tsara fa Izy no Andriamanitra nanafaka ny vahoakan'Isiraely, ka noho izany dia tsy tokony hanana Andriamani-kafa izy ireo. Nipetraka teo anivon'ny firenena maro izay nanompo andriamani-kafa ny Isiraelita.

Milaza amitsika anefa ny Baiboly fa tsy Andriamanitra ireo andriamanitra kely ireo. Ao amin'ny Jeremia 5:7, hoy Andriamanitra, *Ny zanakao efa nahafoy Ahy ka nianiana amin'ireo andriamanitra izay tsy andriamanitra akory ary ao amin'ny Jeremia toko faha 10 ny mpaminany dia miresaka momba an'ilay Andriamanitry ny Isiraely velona sy miasa ary ireo sampy tsy misy dikany ataon'ny olona hafa. Hoy ny mpaminany, Tsy misy olona tahaka Anao, JEHOVAH ô; lehibe Hianao, ary lehibe ny anaranao eo amin'ny fahafana. Iza no tsy hanaja Anao, ry Mpanjakan'ny firenena? Izany no anjaranao. Eo amin'ny olon-kendry rehetra amin'ny firenena sy ao amin'ny fanjakany rehetra, tsy misy tahaka anao. Samy adala sy tsy manam-pahendrena avokoa izy rehetra; ampianarin'ny sampy hazo tsy misy vidiny izy ireo. Fa JEHOVAH no Andriamanitra marina; Izy no Andriamanitra velona, ilay Mpanjaka mandrakizay. Raha tezitra Izy, dia mihorohoro ny tany; tsy afaka miaritra ny fahatezerany ny firenena rehetra. Lazao*

amin'ny hoe: Ireo andriamanitra izay tsy nanao ny lanitra sy ny tany, dia ho levona tsy ho amin'ny tany sy tsy ho etỳ ambany ny lanitra. Fa Andriamanitra no nanao ny tany tamin'ny heriny; izy nanorina izao tontolo izao tamin'ny fiendreny sy namelatra ny lanitra tamin'ny fahalalany (Jeremia 10:6-8 sy 10-12).

Andriamanitra dia telo izay iray

Naneho ny tenany amin'ny maha persona telo Azy Andriamanitra: ny Ray, ny Zanaka sy ny Fanahy Masina. Izy rehetra dia antsoina hoe Andriamanitra, ary tokony hankalazaina amin'ny maha Andriamanitra azy, misy mandrakizay ireo, ary mandray anjara amin'ny fanaovana zavatra izay hain'Andriamanitra atao irery ihany. Tahaka ny rano dia mety misy toy ny hamandoana, ranoka ary ranomandry, nefa mbola rano ihany izany rehetra izany, dia manambara ny tenany ao amin'ireo persona telo ireo Andriamanitra. Sady Iray ihany Andriamanitra ka tsy azo zarazaraina. Mandray anjara tanteraka ny rehetra isaky ny mihetsika ny iray amin'ireo Telo ireo.

Ao amin'ny Deuteronomia 6:4 dia izao no voalza, *Mihainoa, ry Isiraely: Ny Tompo Andriamanitsika, iray ihany ny Tompo*. Andriamanitra dia tsy Andriamanitra tokana ihany, fa iray ihany koa ary tsy azo zaraina Izy. Samy miampanga ny Kristianina ho manana Andriamanitra telo ny Jiosy sy ny Silamo. Na dia persona telo aza Andriamanitra, dia ny Ray, ny Zanaka ary ny Fanahy Masina, dia iray ihany Izy ka tsy azo zarazaraina. Mampiseho amintsika ny mampiavaka an'Andriamanitra amin'ny maha-Andriamanitra tokana Azy izany. Tsy misy andriamanitra hafa nahary ny lanitra sy ny tany. Tsy misy andriamanitra hafa izay Andriamanitra velona sy tonga nofo. Tsy

misy andriamani-kafa nampahafantatra ny tenany naka endrik'olombelona ankoatran'i Jesosy Kristy, izay Andriamanitra ihany koa. Ary tsy misy andriamanitra hafa afa-tsy Andriamanitra izay manolotra famonjena maimaim-poana tanteraka noho ny ota sy fiainana mandrakizay eo anatrehany ho an'izay rehetra mino Azy. Tsy manam-paharoa Andriamanitra. Ny mampiavaka Azy dia mihoatra lavitra noho izay eritreretintsika.

Andriamanitra dia marina

Ny fahamarinana dia nyf ahamasinan'Andriamanitra izay asehony amin'ny alalan'ny fifandraisany amin'ny olombelona. Hita ao amin'ny lalàna ny fahamarinan'Andriamanitra. Hoy ny Salamo 19:7-9: *Tsy misy tsiny ny lalàn'ny Tompo, mamelombelona ny fanahy. Mahatoky ny didin' i Jehovah, mampahendry ny kely saina. Ny didin' i Jehovah dia marina, mampifaly ny fo. Mahitsy ny didin' i Jehovah, manome hazavana ny maso. Madio ny fahatahorana an' i Jehovah, maharitra mandrakizay. Ny fit-sipiky ny Tompo dia azoantoka ary marina tanteraka.*

Ny zavatra marina ihany no handidian'Andriamanitra atao, ary izany dia misy fiantraikany tsara amin'ny mpino izay mankatò. Ny fahamarinany koa dia midika fa manao ny marina Izy amin'ny asany.

Andriamanitra dia mahitsy

Ny fahamarinan'Andriamanitra dia ny sitrapony marina miasa. Ao amin'ny Deuteronomia 32:4 dia milaza fa, *Izy no Vatolampy, tanteraka ny asany, ary marina avokoa ny lalany rehetra. Nanoratra i Jaona ao amin'ny 1 Jaona 1:9, Raha miaiky ny fahotantsika isika dia mahatoky sy marina Izy ka mamela ny fahotantsika sy manadio antsika ho afaka amin'ny tsy fahamarinana rehetra.*

Indraindray isika dia tsy afaka mahita ny fahamari-
nan' Andriamanitra nohon'ny tsy rariny manodidina
antsika, kanefa afaka mahery isika satria Andria-
manitra dia efa nanendry andro iray handaminany
ny tsy rariny rehetra. *Fa izy efa nanendry andro iray
izay hitsarana izao tontolo izao araka ny rariny amin'ny
alalan'ny Lehilahy iray efa notendreny, ary noporofoiny
tamin'ny olona rehetra izany Lehilahy izany tamin'ny
nananganany azy tamin'ny maty* (Asan'ny Apostoly 17:31).

Milaza ny Baiboly fa marina Andriamanitra, fa
ny toetrany no mamaritra ny tenadikan'ny hoe ma-
nao ny marina. Tsy manaraka ny toetra ivelany sa-
sany Izy. Mitondra fitoniana ara-tsaina ho an'ny
rehetra ny maha-marina. Rehefa misy ny asa ratsy
dia mitaky ny hisian'ny sazy ny fitsarana. Satria An-
driamanitra dia lavorary ary tsy mbola nanao ratsy
na oviana na oviana dia tsy misy sazy tokony hiatra
Aminy; nefa, noho ny fitiavany, dia nalohan'Andri-
amanitra ny sazintsika vokatry ny ratsy ataontsika
tamin'ny nanolorany ny tenany teo amin'ny hazo
fijaliana tamin'ny alalan'i Jesosy Zanany. Tanteraka
ny fahamarinany, kanefa nanao izany Izy ho an'izay
rehetra mino an'i Jesosy.

Masina Andriamanitra

Izany zava-misy izany no mampiavaka an'Andriama-
nitra amin'ny zavaboary rehetra. Maneho ny fiandri-
anany sy ny fahadiovany ara-pitondrantena tonga la-
fatra izany. Tsy misy ota na eritreritra ratsy mihitsy ao
amin'Andriamanitra. Ny fahamasinany no famaritana
izay madio sy mahitsy eo amin'izao rehetra izao. Na
taiza na taiza nisehoan'Andriamanitra, tahaka an'i Mo-
sesy teo amin'ny roimemy nirehitra, dia ho masina ma-
rina izany toerana izany satria efa teo Andriamanitra.

Masina tanteraka Andriamanitra — tsy misy kilema ara-pitondrantena na toetra. Raha ny marina, ny Babilôly dia milaza fa Andriamanitra dia tsy mahayita manao ratsy, na dia mahery aza. Tsy miova Andriamanitra. Tsy miova ny toetrany na ny fietsiny. Na dia eo aza ny fironan'ny olombelona hanova ny famaritana ny fitondran-tena, ny toetran'Andriamanitra dia tsy mivoatra araka ny vanim-potoana, fa mitoetra hatrany.

Ao amin'ny Levitikosy 11:44-45 dia hoy Andriamanitra: *Izaho no Jehovah Andriamanitrareo; hamasino ny tenanareo, ary aoka ho masina ianareo, satria masina Aho. Aza mandoto ny tenanareo amin'ny zavamanan'aina rehetra izay mandady amin' ny tany. Izaho no Jehovah Izay nitondra anareo niakatra avy tany Egypta mba ho Andriamanitrareo ; koa aoka ho masina ianareo, satria masina Aho.*

Ny hoe masina dia midika hoe misaraka, mitokana ary voamasina. Midika izany fa Andriamanitra dia misaraka amin'ny zavaboary hafa rehetra; izyi rery ihany no Andriamanitra. Midika ihany koa izany fa misaraka amin'ny fahalotoan'ny olombelona sy ny ota Izy. Rehefa nahazo ny fahitan'Andriamanitra tao amin'ny tempoly Isaia dia nahita ireo anjely teo amboniny nanao hoe *Masina, masina, masina ny TompoT-sitoha; henika ny voninahiny ny tany rehetra* (Isaia 6:3).

Andriamanitra dia fitiavana

Ny fitiavana dia ampahany manan-danja amin'ny toetran' Andriamanitra ka nahatonga ny apostoly Jaona nanoratra hoe: *Andriamanitra dia fitiavana*. Tsy tahaka ny fitiavan'olombelona izy io, fa fihetsika manolo-tena araka ny hitantsika rehefa manohy mamaky ny 1 Jaona 4:9-10 isika, *Toy izao no nanehon'Andriamanitra ny*

fitiavany antsika: Naniraka ny Zanany lahitokana Izy ho amin'izao tontolo izao mba hahavelona antsika amin'ny alalany. Iza no fitiavana: tsy ny nitiavantsika an'Andriamanitra, fa ny nitiavany antsika ka naniraka ny Zanany Izy mna ho sorona ho fanavotana noho ny fahotantsika. Rehefa mandray izany fitiavana avy amin'Andriamanitra izany isika, dia tokony ho tia ny mpiara-belona amintsika mitovy amin'izany koa.

Raha te hahita ny asa fanehoana fitiavana ianao dia hianaro ny fiainan'i Jesosy. Ny sorona nataony teo amin'ny hazo fijaliana noho ny fahotan'ny hafa no fihetsika feno fitiavana indrindra. Ny fitiavan'Andriamanitra dia tsy fitiavana amin'ny fihetseham-po fa amin'ny asa. Ny fitiavany dia maimaim-poana ho an'izay tiany, dia ireo izay misafidy ny hanara-dia an'i Jesosy Zanany.

Tsy afa-misaraka amin'ny fahamasinan'Andriamanitra ny fitiavan'Andriamanitra. Tsapatsika izany amin'ny alalan'ny nanirahan'Andriamanitra ny Zanany (fanehoana ny fitiavany) mba hanonitra ny fahotantsika (fanehoana ny fahamasinany).

Andriamanitra dia mpamela heloka

Mpanota isika. Mirona hanao zavatra araka ny fombantsika isika fa tsy amin'ny lalan' Andriamanitra; hitany ka fantany nefa izany. Tsy mijery fotsiny ny fahotana toy izany Andriamanitra fa vonona ny hitsara sy hanameloka ny olona noho ny fahotany. Kanefa Andriamanitra dia namela antsika hatramin'ny fotoana nanombohantsika nanana fifandraisana taminy. Jesosy, Zanak'Andriamanitra, dia nanonitra ny fahotantsika tamin'ny alalan'ny fahafatesany teo amin'ny hazo fijaliana. Nitsangana tamin'ny maty Izy ary nanolotra izany famelan-keloka izany ho antsika.

Hamarinina eo imason'Andriamanitra isika rehefa matoky an'i Jesosy Kristy mba hanaisotra ny fahotantsika. Ary isika rehetra dia ho voavonjy toy izany koa, na iza isika na iza ary na inona na inona no nataontsika ... Isika dia nohamarinina teo anatrehan'Andriamanitra rehefa mino isika fa nandatsaka ny rany i Jesosy, nahafoy ny ainy ho antsika (Romana 3:25).

Andriamanitra dia mpamindrafo

Ny famindram-pon'Andriamanitra no mahatonga Azy mihantra. Koa satria tanteraka amin'i Jesosy ny fahamarinan'Andriamanitra, dia afaka maneho famindram-po amin'izay rehetra mifidy hanaraka Azy Izy. Tsy ho tapitra mihitsy ny famindram-pony satria anisan'ny toetrany izany. Andriamanitra dia mifandray amintsika olombelona amin'ny famindram-po raha tsy manao tsinotsinona an'Andriamanitra isika.

Ny famindrampon'Andriamanitra dia maneho ny fihantrany ny olony sy ny fo malefaka ho amin'ny mahantra. Ao amin'ny Salamo 25:6 milaza toy izao, *Jehovah ô, tsarovy ny famindram-ponao sy ny fitiavanao lehibe, fa hatry ny fony fahagola ireny.* Rehefa hitan'i Jesosy izay ilain'ny olona, dia nihantra avy hatrany Izy.

Mahay Andriamanitra

Manao ahoana loatra re ny hitiavanao an'izany ho marina 100 isan-jato foana izany amin'ny zava-drehetra? Andriamanitra dia izany mihitsy. Tsy voafetra ny fahendreny. Mahafantatra ny singa rehetra amin'ny toe-javatra iray Izy, anisan'izany ny lasa sy ny zavatra hitranga amin'ny ho avy mifandray amin'izany. Tsy mila mmampahafantatra na manoro hevitra na mandresy lahatra Azy hanao ny zavatra tokony ho mety isika. Hanao izany Izy, satria mahay

ary ny antony manosika azy hanao zavatra dia madio. Raha matoky Azy isika, dia tsy hanao fahadisoana mihiitsy Izy, na hanimba antsika na hamitaka antsika. Azo itokisana tanteraka Izy mba hanao ny tsara amin'ny toe-javatra rehetra, amin'ny fotoana rehetra.

*Tsy ho menatra na oviana na oviana izay rehetra man-
antena Anao (Salamo 25:3).*

Andriamanitra dia marin-toetra

Milaza amintsika mazava ny momba ny tenany Andriamanitra ary manao ny marina hatrany. Ny zava-drehetra lazainy momba Azy na momba antsika dia azo antoka. Mahitsy sy marin-toetra tanteraka Andriamanitra amin'izay lazainy — marina mihoatra ny fihetseham-pontsika sy ny eritreritsika ary ny fiheverantsika. Azo hianteherana tanteraka ny fampanantenany rehetra omeny antsika. Afaka mitazona Azy amin'ny teniny isika. *Ny famoahana ny teninao dia manazava; manome fahalalana hoan'ny kely saina izany. Fanilo ho an'ny tongotro sy fahazavana amin'ny lalako ny teninao (Salamo 119:105, 130).*

Mamindra fo Andriamanitra

Mahafaly an' Andriamanitra ny manome fanomezana lehibe ho an'izay tia Azy, na dia tsy mendrika izany aza izy ireo. Izany no atao hoe fahasoavana. Jesosy Kristy no fantsona izay hihetsehan'ny fahasoavany. Hoy ny Baiboly ao amin'ny Jaona 1:17: *Ny lalàna dia nomena tamin'ny alalan'i Mosesy, fa tonga kosa ny fahasoavana sy ny fahamarinana tamin'i alalan'i Jesoa Kristy.*

Nolazaintsika fa ny fitiavan'Andriamanitra dia tsy manam-paharoa. Ny fahasoavana dia hatsaram-panahy tsy manam-paharoa. Midika izany fa tsy araka izay mendrika antsika no

hitondran' Andriamanitra ny olony, fa araka izay ilaintsika. Ao amin'ny Eksodosy 34:6 dia milaza Andriamanitra manao hoe, *JehovahTompo, Andriamanitra mamindra fo sy miantra, mahari-po sady be fitiavana sy fahamarinana* (Eksodosy 34:6).

Noho ny hatsaram-panahiny, Andriamanitra dia mitondra antsika tsy araka ny ataontsika, satria tsy mitaky na inona na inona amintsika Izy. Ny fahasovan'Andriamanitra dia zavatra iray miavaka eto amin'izao tontolo izao. Any amin'ny fivavahana hafa rehetra, ny olona dia manao asa isan-karazany mba hanomezany fahafaham-po ny andriamaniny. Fa raha tokony hiezaka hanakatra andriamani-kafa isika, dia nidina teto amintsika Andriamanitra.

Tsara Andriamanitra

Ny hatsaram-pon'Andriamanitra no mahatonga Azy ho tsara fanahy, ho be fitiavana, hiantra ary ho feno fahatsara amintsika olombelona. Izany no antony hanomezany ny fitahiana rehetra ho an'ny mpanara-dia Azy. Ny asan'Andriamanitra no mamaritra ny atao hoe fahatsarana, ary mora amintsika ny Mahita izany amin'ny fomba nifandraisan'i Jesosy tamin'ny olona nanodidina Azy.

Tsara Andriamanitra. Izay hahasoa ny zanany no tadiaviny. Milaza izany ny ao amin'ny Salamo 145:9, *Tsara ny Tompo amin'ny olona rehetra; mamindra fo amin'izay rehetra nataony Izy.*

Andriamanitra dia Hendry

Ny fahendrena dia ny fahaizana mamolavola tanjona tonga lafatra manatratra ireo tanjona ireo amin'ny fomba tonga lafatra indrindra. Raha lazaina amin'ny teny hafa dia tsy manao fahadisoana mihitsy

Andriamanitra. Izy no Ray tena mahafantatra tsara, araka ny fanazavan'i Paoly ao amin'ny Romana 11:33. *Oh, Endrey ny haben'ny haren'Andriamanitra sy ny fahendreny ary ny fahalalany! Tsy takatry ny saintsika na oviana na oviana ny fanapahan-keviny sy ny lalany!*

Andriamanitra dia mahatoky

Ho tanteraka avokoa izay nampanantenain' Andriamanitra rehetra. Ny fahatokiany no miantoka izany. Tsy mandainga Izy. Marina izay lazainy ao amin'ny Baiboly momba ny tenany. Nilaza mihitsy aza I Jesosy fa Izy no Fahamarinana. Tena zava-dehibe ho an'ny mpanara-dia an'i Jesosy izany, satria amin'ny fahatokiany no iorenan'ny fanantenantsika ny fiainana mandrakizay. Hanaja ny fampanantenany Izy fa hamela ny helotsika ary hiara-mitoetra Aminy mandrakizay isika. Mitana ny fampanantenany rehetra Izy. Hoy ny ao amin'ny Salamo 57:10; *Fa lehibe mihatra amin'ny lanitra ny fitiavana; mipaka amin'ny rahona ny fahamarinana.*

Andriamanitra dia manjaka

Toy izany no fitondrany ny zavaboariny manontolo. Izany no fomba ampiharany ny maha-mahalala ny zava-drehetra sy mahery indrindra Azy. Mahatonga azy malalaka tanteraka hanao izay fantany fa tsara indrindra izany. Andriamanitra no mifehy ny zava-mitranga rehetra. Mbola manana safidy malalaka nefa isika ary tompon'andraikitra amin'ny safidintsika eo amin'ny fiainana.

Manao fanekem-pihavanana Andriamanitra

Ny fifanekena eo amin'Andriamanitra sy ny olombelona dia lalàm-panorenan'Andriamanitra misy

famantarana na antoka. Ireto ny sasany amin'ireo fanekem-pihavanana manan-danjaindrindra ao amin'ny Baiboly:

- Ny faneken'Andriamanitra tamin'i Noa sy ny taranany ao amin'ny Genesisy toka faha 9, izay ampanantenain'Andriamanitra tsy misy fisalasalana fa tsy handrava ny tany amin'ny safo-drano intsony Izy. Ny avana no famantarana an'io fifanekena io.
- Ny faneken'Andriamanitra tamin'i Abrahama sy ny taranany ao amin'ny Genesisy 15 sy 17. Io fanekena io dia naorina teo amin'ny fifidianan'Andriamanitra sy ny fahasoavany. Hoy ny Genesisy 15:6: *Ary Abrama dia nino ny Tompo, ka nisainy ho fahamarinany izany.* Ny famorana no famantarana io fanekena io.
- Ny faneken'Andriamanitra tamin'ny vahoakany tao an-tendrombohitra Horeba (antsoina koa hoe Sinay) ao amin'ny Eksodosy 19-24. Eto dia mifandray akaiky ny fanekena sy ny lalàna. Hoy Andriamanitra ao amin'ny Eksodosy 19:5, *Koa raha mihaino Ahy tokoa ianareo ka mitandrana ny fanekoko, dia ho rakitra soa ho Ahy mihoatra noho ny firenena rehetra ianareo.* Ny famantarana izany fanekena izany dia ny fiaran'ny faneken'i Jehovah.
- Ny fanekem-pihavanana ara-paminaniana dia fampanantenana avy amin'Andriamanitra tamin'ireo mpaminany hanorina lalàm-panorenana vaovao. Jereo, ohatra, ny Jeremia 31:31-34. Fanekena amim-pahasoavana io izay hamet-rahaman'Andriamanitra ny lalàna ao an-tsainy ary haroatra izany ao am-pony (Jeremia 31:33).

- Ny fanekena vaovao'Andriamanitra ao amin'i Jesosy Kristy. Ity fanekem-pihavanana vaovao ity dia mifandray amin'ny asa famonjen'i Jesosy Kristy. Rehefa nametraka ny Fanasan'ny Tompo tamin'ny fiaraha-misakafo farany niaraka tamin'ny mpianany i Jesosy, dia hoy Izy, *Ity kapoaka ity dia fanekena vaovao amin'ny rako izay nalatsaka ho anareo* (Lioka 22:20). Ao amin'ny Hebreo toko faha-8, isika dia mamaky ny amin'ny fanekena vaovao izay tonga amin'ny alalan'i Jesosy amin'ny maha-Mpisoronabe Azy sy ny fahatanterahan'ny fampanantenana nomen'Andriamanitra tamin'ny alalan'ny mpaminany isika. Niresaka momba io fanekem-pihavanana io koa i Paoly rehefa nanoratra ho an'ny Korintiana: *Asehona fa taratasy avy amin'i Kristy ianao, vokatry ny fanompoantsika, tsy nosoratana tamin'ny ranomainty fa amin'ny Fanahin'Andriamanitra velona, tsy amin'ny takela-bato fa eo amin'ny vato fisaky ny fon'olombelona. Antsika ny fahatokiana toy izany amin'ny alalan'i Kristy eo anatrehan'Andriamanitra. Tsy hoe manana fahefana amin'ny tenanay izahay hitaky na inona na inona ho an'ny tenanay, fa avy amin'Andriamanitra ny fahaizantsika. Nataony ho mpanompo amin'ny fanekena vaovao izahay, tsy amin'ny soratra fa amin'ny Fanahy; fa ny soratra mahafaty, fa ny Fanahy kosa no mahavelona* (II Korintiana 3:3-6).

Nanomboka tany amin'ny mandrakizay ny asa famonjen'Andriamanitra ary tonga teto amin'izao tontolo izao tao amin'i Jesosy Kristy, tamin'ny alalan'ny fiainany, ny fahafatesany ary ny fitsanganany tamin'ny maty. Tsy mbola vita tanteraka io asa famonjena io satria midika ihany koa fa fanavotana amin'ny ratsy rehetra amin'ny faraandro izany.

Tian'Andriamanitra hanompo Azy isika

Hoy i Jesosy ao amin'ny Jaona 4:23, *Fa ho avy ny fotoana ary tonga ankehitriny izany, rehefa ny mpivavaka marina hivavaka amin'ny Ray amin'ny Fanahy sy fahamarinana, fa ny Ray koa mitady ny mpivavaka aminy ho tahaka izany* (Jaona 4:23).

Amin'izao fotoana izao isika dia ao anatin'ny vanim-potoana izay ahitana ireo tena mivavaka amin'Andriamanitra ka manao izany amin'ny fanahy sy ny fahamarinana. Andriamanitra dia nitady olona tena hivavaka Aminy foana tamin'ny fomba izay nekeny ary hanao izany mandrakariva Izy. Nena foana izay nanao araka izany ary nolavina foana kosa izay tsy nanao araka izany. Tsy hiova izany.

Andriamanitra dia manome antoka fa ho voavonjy isika

Hitantsika ao amin'ny Baiboly fa Andriamanitra no namorona izao tontolo izao ary mitarika ny tantara hifanaraka amin'ny drafitra izay nomanina mandrakizay. Ity drafitra ity dia manambara ny fikasany hanana firaisana amin'ny olony.

Hoy i Paoly ao amin'ny Efesiana 3:8-12, *...Io fahasovana io dia nomena ahy: hitory amin'ny jentilisa ny haren'i Kristy tsy hita lany, ary hampahafantatra amin'ny olona rehetra ny fitantanana ity zava-miafina ity, izay voatahiry hatrizay hatrizay tao amin'Andriamanitra, Izay nahary ny zavatra rehetra.*

Ny fikasany dia izao, amin'ny alalan'ny fiangonana, ny mahamaro samy hafa ny fahendren'Andriamanitra dia tokony hampahafantarina amin'ny mpanapaka sy ny manam-pahefana any an-danitra, araka ny fikasany mandrakizay, izay notanterahiny tao amin'i Kristy Jesosy Tompontsika. Ao Aminy ary amin'ny alalan'ny finoana Azy

no ahafahantsika manatona an'Andriamanitra amin'ny fahafahana ary fahatokiana.

Inona no tadiavin'Andriamanitra amiko?

Raha noforonin'Andriamanitra ho toerana hipetrahan'ny olombelona izao rehetra izao, dia tsy maintsy ho nisy fikasana tao an-tsainy. Milaza ny Baiboly fa tian'Andriamanitra hisy olona betsaka araka izay azo atao hifidy ny ho tia Azy sy hiara-mitoetra Aminy mandrakizay. Koa satria ny fitsipik'Andriamanitra momba ny fitondran-tena dia fahalavorariana eo amin'ny eritreritra sy ny atao, dia ho sarotra amintsika ny hanatratra ny fitsipik'Andriamanitra samirery. Tena tia antsika anefa Andriamanitra ka naka ny endrik'olombelona ary niaina teto an-tany tamin'ny taonjato voalohany Izy. Jesosy no anarany.

Tsy maintsy manana toe-tsaina mitovy amin'ny nanan'i Kristy Jesosy ianao. Na dia Andriamanitra aza Izy, dia tsy nihevitra ny hitovy amin'Andriamanitra ho zavatra hifikirana. Nafoiny kosa ny tombontso maha Andriamanitra azy; naka toerana ambany toy ny andevo izy ary teraka ho olombelona. Rehefa niseho tamin'ny endrik'olombelona Izy, dia nanetry tena ho fankatoavana an'Andriamanitra ary maty tamin'ny fahafatesan'ny mpanao heloka be vava eo amin'ny hazo fijaliana (Filipiana 2:5-8).

Ny tena tanjony dia ny handoa ny saran'ny fahotantsika amin'ny alalan'ny fiainana tsy misy ota tanteraka. Tsy ny ratsy ataontsika ihany no nefainy, fa ny toetra ratsy izay efa raikitapisaka ao amintsika koa. Io Mpisoronabentsika io dia mahafantatra ny fahalementsika, satria niatrika ny fitsapana rehetra izay iainantsika Izy, kanefa tsy nanota Izy (Hebreo 4:15).

Maty teo amin'ny hazo fijaliana Izy. Fa Andriamanitra ao amin'ny fahafenoany rehetra nankasitraka ny ho

velona ao amin'i Kristy, ary amin'ny alalany no nampihavanan'Andriamanitra ny zavatra rehetra amin'ny tenany. Nandeha fihavanana tamin'izay rehetra any an-danitra sy ety an-tany Izy tamin'ny alalan'ny ran'i Kristy teo amin'ny hazo fijaliana (Kolosiana 1:19-20).

Nitsangana tamin'ny maty Izy. Azontsika antoka izany satria natsangana tamin'ny maty i Kristy, ary tsy ho faty intsony Izy. Tsy manan-kery aminy intsony ny fahafatesana. Rehefa maty izy dia maty indray mandeha mba handrava ny herin'ny ota. Fa velona amin'izao fahavelomany izao kosa, dia velona ho voninahitr'Andriamanitra Izy (Romana 6:9-10). Amin'ny alalan'ny finoana an'i Jesosy sy ny sorona nataony ho an'ny ota no hanambarana antsika ho marina sy afaka amin'ny ota. Rehefa mino an'i Jesosy ianao dia te hana-raka Azy. Hanome anao ny Fanahy Masina Izy, izay hitari-dalana anao isan'andro rehefa mitovy amin'ny endrik'i Kristy ianao. Fa fantatr'Andriamanitra mialoha ny olony, ary nifidy azy ireo mba ho tonga tahaka ny Zanany izy, ka ny Zanany no ho lahimatoa amin'ny rahalahy sy anabavy maro (Romana 8:29). Ireo izay mino an'i Jesosy dia ambara fa marina ka hiara-mitoetra Aminy mandrakizay.

Anaran' Andriamanitra avy ao amin'ny Testamenta Taloha:

Elohim

midika hoe “Andriamanitra”, izay maneho ny herin' Andriamanitra.

Adonai,

Midika hoe “Tompo”, izay maneho maha Tompo Andriamanitra Azy.

Jehovah—Yahweh,

Izay maneho ny famonjen' Andriamanitra.

Jehovah-maccaddeshem,

midika hoe “ny Tompo no mpanamasina anao.”

Jehovah-rohi,

Midika hoe “ny Tompo no mpiandry ahy”

Jehovah-shammah,

midika hoe “manatrika ny Tompo.”

Jehovah-rapha,

Midika hoe “ny Tompo no mpanasitrana antsika.”

Jehovah-tsidkenu,

Midika hoe “ny Tompo no fahamarinantsika.”

Jehovah-jireh,

Midika hoe “ny Tompo no hanome.”

Jehovah-nissi,

Midika hoe “ny Tompo no fanevantsika.”

Jehovah-shalom,

Midika hoe “ny Tompo no fiadanana.”

Jehovah-sabbaoth,

Midika hoe “ny Tompon'ny tafika.”

El-shaddai,

Midika hoe “ Andriamanitra Tsitoha.”

Anarana hafa hiantsoana an'Andriamanitra

Aba	Mpamonjy
Alfa	Mpampakatra
Amena	Mpanafaka
Ampinga lehibe	Mpanalalana
Andrian'ny fiadanana	Mpanalalana
Be voninahitra	Mpanao
Dokotera lehibe	Mpanavotra
Fahamarinana	Mpanjakan'ny Mpanjaka
Fahazavan'izao tontolo izao	Mpanjakan'ny voninahitra
Fanahin'Andriamanitra	Mpanolo-tsaina
Fialofana	Mpanompo
Fihafenana	Mpiandry ondry tsara
Fitiavana	Mpisolo vava
Fototra	Mpisoronabe
Fototr'i Davida	Mpitari-dalana
Hatrizay	Namana
Imanoela	Nazareana
Iray Masina	Omega
Izaho	Rano velona
Jesosy	Ray mandrakizay
Kintana maraina	Sampana
Kristy	Tenin'Andriamanitra
Lalana	Teny
Lehiben'ny mpiandry	Tompo
Lehilahin'ny fahoriana	Tsara fanahy sy be fitiavana
Lohan'ny Fiangonana	Varavarana
Mahagaga	Vato fehizoro
Mahatoky sy Marina	Vato velona
Mahery Indrindra	Vatolampy
Mampirapiratra	Voafidy
Marina	Voahosotra
Mesia	Zanak'Andriamanitra
Mofon'aina	Zanak'i Davida
Mpahary	Zanak'olona
Mpaminany	Zanak'ondrin 'Andriamanitra
Mpamolavola	

FANONTANIANA HO FIANARANA SY FANDINIHANA

- Ahoana no hanazavantsika an' Andriamanitra?
- Iza moa Izy?
- Aiza Izy ankehitriny?
- Manao ahoana Andriamanitra? Manao ahoana no toetrany?
- Afaka mahafantatra azy manokana ve izaho sy ianao?
- Inona ny dikan'ny hoe telo izay iray Andriamanitra?
- Inona no dikan'ny hoe manao fanekem-pihavanana Andriamanitra?
- Inona no tadiavin' Andriamanitra amiko?
- Faritana amin'ny alalan'ny anarana maro Andriamanitra ao amin'ny Baiboly ao. Misy tadidinao ve amin'izy ireny?